



Universitätsbibliothek Paderborn

**Symbola Trinitatis, Id Est Trinitatis diversarum rerum, ex
Veteris ac Novi Testamenti Scripturis, Historijs &
exemplis; nec non congruentioribus rerum naturalium
similitudinibus conscripta ...**

Duplan, Theodore

Ruraemundae, 1663

40.

urn:nbn:de:hbz:466:1-12221

Tollere pars humeris, manibus pars tollere visa,
At præferre alijs, cœlicus Ordo, Crucem.
Ad Triadem vis ire? crucem sfferre memento,
Cernitur ordo triplex: at Crucis una via est.

SYMBOLVM 39.

*Tres Tiliæ, quas S. Adilia Abbatissa plantat in nomine SSS.
Trinitatis. In ejus vita 13 Decem:*

Virgo memor Triadis dono, se lucis adeptam
(a) Munera, cum sacris prolucretur aquis;
(b) Tres Tiliæ ramos licet obnitente fororum
Consilio, Præses provida mandat humo,
Nomine tres Triadis plantæ tria sæcla virentes,
Virgineo sunt gratior umbra choro.

(a) A nativitate cœca in baptismo illuminatur. (a) Accipiens primam plantam dixit: ego te
planto in nomine Patris. Secundam in nomine Filij. Tertiam in nomine Spiritus S. ad
honorem absconditi mysterij SS. Trinitatis.

SYMBOLUM 40.

*Tertium iter Hierosolymitanum ac Romanum. B. M. Theodo-
rus de Cellis ex familiâ Baronum de Celle, ex Canonico S
Lamberti Leodij, Magister Generalis hifce in regionibus.
Ordinis S. Crucis propagator, tertio Hierosolymam, toties-
que, licet debilior proficiscitur Romam amore SSS. Trinita-
tis succensus. Ex Chron. ord. nostri.*

CEllesi claræ stirpis prænobile germen
Nunc decus & nostræ Religionis honos.
Ut Crucis in toto repares encomia mundo,
Ter repedas Romam, ter Solymamque petis.

Quid

Quid tenero firmoquè minùs ter corpore, durum
Carpis iter? Trini numquid amore Dei?

SYMBOLUM 41.

Triplex Animarum Deo devotarum status. Incipientium, Proficientium, Perfectarum. De quo doctum ac pium opus, summa mentis industria, ante annos circiter trecentos Rev^m P. Petrus Pincharius Magr. Gener. Ordinis S. Crucis concinnavit.

NE sua virtuti desint encomia, Chare
PINCHARI, meritis quis dabit æqua tuis?
Iam tribus a sæclis vestigia terna parasti,
Queis rectum ad Triadem provide sternis iter.
Se domet Incipiens, & foeda piacula vitet;
Virtutum studio, Perficietur apex.

SYMBOLUM 42.

Tres Rivuli procedentes a SS. Trinitate.
S. Mechtildis sub matutinis dum cantaretur Ave Maria, uidit tres rivulos a S. Trinitate procedentes cor Virginis Matris suavissimo impetu penetrare, & de corde ipsius impetuose suam originem repetere. Ita Titelm. Bredenb. Insin. divinae Piet. l. 4. c. 12.

Virgo stupet rapidos Triadis tres flumine Rivos
Virginei in cordis prosilijsse fibras.
Inde suos remeant Rivi properanter ad ortus,
Ut repetunt rapidi fluminis æquor, aquæ.
Utpote post Triadem nulli virtute (a) Secunda,
Hæc sophiæ primas & bonitatis, habet.

(a) B. Virgo summam post Christum gratiam habuit. Vide Theol. 3. p. sum. D. Thomae.
SYM